



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1518922

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

06 փետրվարի 2023թ.

ք. Երևան
(կազմման վայրը)

Ակտի հասցեատեր

«Ստեփանավան համայնքի կոմունալ սպասարկում և բարեկարգում» ՀՈԱԿ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	6	9	5	7	2	1	4
---	---	---	---	---	---	---	---

(հարկվճարողի հաշվառման համարը՝ ՀՎՀՀ-ն)

ՀՀ, Վայոց ձորի մարզ, ք. Եղեգնաձոր, Շահումյան 1

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի ժամանակավոր պաշտոնակատարի 22.12.2022թ.-ի թիվ 1518922 որոշման համաձայն «Ստեփանավան համայնքի կոմունալ սպասարկում և բարեկարգում» ՀՈԱԿ-ի (այսուհետ նաև՝ Ընկերություն) նկատմամբ իրականացվել են օպերատիվ-հետախուզական միջոցառումներ՝ ՀՀ տարածքում «Լիցենզավորման մասին» ՀՀ օրենքին համապատասխան՝ լիցենզավորման ենթակա գործունեությունն առանց լիցենզիայի իրականացնելու, կամ «Գործունեության իրականացման ծանուցման մասին» ՀՀ օրենքին համապատասխան՝ ծանուցման ենթակա գործունեությունն առանց ծանուցման իրականացնելու կամ զբաղվելու հանգամանքների ճշտման նպատակով:

Համաձայն ՀՀ բնապահպանության և ընդերքի տեսչական մարմնի 14.12.2022թ.-ի գրության՝ «Ստեփանավան համայնքի կոմունալ սպասարկում և բարեկարգում» ՀՈԱԿ-ն իրականացրել է գործունեություն առանց լիցենզիայի, ինչով խախտվել է «Լիցենզավորման մասին» ՀՀ օրենքի 43-րդ հոդվածի 1-ին մասի և 2-րդ մասի աղյուսակի 14-րդ կետի 1-ին ենթակետի պահանջը:

ՕՀՄ ընթացքում Ընկերության տնօրեն Արարատ Չերքեզյանը տվել է գրավոր հայտարարություն: Հայտարարությամբ մասնավորապես հայտնել է, որ Ընկերությունը Ստեփանավան խոշորացված համայնքում մատուցում է աղբահանության տեղափոխման, կանաչապատման և լուսավորության ծառայություններ 2019թ.-ից: Կենցաղային աղբը տեղափոխվում է Ստեփանավան քաղաքից մոտ 5 կմ հեռավորության վրա գտնվող Գյուլագարակ համայնքի վարչական տարածքում նախատեսված աղբավայր: Հայտնել է նաև,

որ աղբահանության տեղափոխման և թաղման գործունեություն իրականացնելու համար չունի համապատասխան թույլտվություն(Լիցենզիա):

Թիվ 1518922 արձանագրությամբ 12.01.2023թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 30.01.2023թ. նշանակված վարչական վարույթի լուսններին: Գործում առկա չեն լրացուցիչ ապացույցներ, չեն ներկայացվել միջնորդություններ:

Ելնելով վերոգրյալից, վարույթ իրականացնող մարմինը հաստատված է համարում Ընկերության կողմից վտանգավոր թափոնների տեղափոխում և թաղում իրականացնելու փաստը առանց համապատասխան լիցենզիայի:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 408-րդ հոդվածի 1-ին մասով ըստ որի՝ ...«Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում հայտնաբերված՝ «Լիցենզավորման մասին» Հայաստանի Հանրապետության օրենքին համապատասխան լիցենզավորման ենթակա գործունեությունն առանց լիցենզիայի իրականացնելու ... դեպքում գործունեության յուրաքանչյուր տեսակի մասով կազմակերպությունից կամ անհատ ձեռնարկատիրոջից գանձվում է տուգանք՝ լիցենզիայի կամ թույլտվության տրման կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի դրույքաչափի տասնապատիկի չափով, բայց ոչ պակաս 500 հազար դրամից:

Միևնույն ժամանակ համաձայն ՀՀ հարկային օրենսգրքի 408-րդ հոդվածի 3-րդ մասի սույն հոդվածի 1-ին և 2-րդ մասերով սահմանված խախտումներ հայտնաբերվելու դեպքերում խախտումներ կատարած կազմակերպությունից կամ անհատ ձեռնարկատիրոջից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

Համաձայն «Լիցենզավորման մասին» ՀՀ օրենքի 43-րդ հոդվածի 2-րդ մասի աղյուսակի 14-րդ կետի լիցենզավորման ենթակա գործունեություն է համարվում վտանգավոր թափոնների գործածությունը:

Համաձայն «Թափոնների մասին» ՀՀ օրենքի 4-րդ հոդվածի թափոնների գործածություններ են համարվում այն գործողությունները, որոնք ուղղված են թափոնների հավաքմանը, փոխադրմանը, տեղադրմանը, պահմանը, մշակմանը, վերամշակմանը, օգտահանմանը, հեռացմանը, վնասազերծմանը և թաղմանը:

«Պետական տուրքի մասին» ՀՀ օրենքի 19-րդ հոդվածի 12.1-րդ ենթակետի համաձայն՝ վտանգավոր թափոնների գործածության լիցենզիայի յուրաքանչյուր ներդիրի համար պետական տուրք է սահմանված տարեկան բազային տուրքի 40 - ապատիկի չափը:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1.000 դրամը:

Տվյալ դեպքում Ընկերության կողմից խախտումը վերջին 1 տարվա ընթացքում կատարվում է առաջին անգամ: Օրենքով սահմանված պետական տուրքը հաշվարկվում է 40 000 ՀՀ դրամ, որի տասնապատիկը կազմում է 400 000 ՀՀ դրամ, ուստի օրենսդրական պահանջից ելնելով Ընկերության նկատմամբ կիրառելի է 800 000 (40 000 x 2 x 10) ՀՀ դրամի չափով տուգանք և 80 000 ՀՀ դրամ գումարի չափով վնասի հատուցում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և «Ստեփանավան համայնքի կոմունալ սպասարկում և բարեկարգում» ՀՈԱԿ -ին գանձման առաջադրել 800 000 ՀՀ դրամի չափով տուգանք որպես հարկային պարտավորություն, ինչպես նաև՝ 80 000 ՀՀ դրամ օրենքով սահմանված պետական տուրքի գումարի չափով վնասի հատուցում համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 408-րդ հոդվածով սահմանված տուգանք	800 000	պետական բյուջե	900008000490
Հարկային օրենսգրքի 408-րդ հոդվածի 3-րդ մասով սահմանված վնասի հատուցման գումար	80 000	պետական բյուջե	900008000490
Ընդամենը վճարման ենթակա գումար	880 000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ

Ստացա ակտի մեկ օրինակը

տնօրեն Արարատ Չերքեզյան

Ֆիզիկական անձի անունը, ազգանունը
(անհատ ձեռնարկավորող դեպքում՝ անհատ
ձեռնարկավորող նշումով) իրավաբանական անձի գործադիր
մարմնի ղեկավար (գրագրության ընդունման համար
պալատի անձի՝ հաշվի առաքման դեպքում)



ընդամենը 3 էջ

„ „ 2023թ.

ստորագրությունը